




Republika e Kosovës
Republika Kosovo / Republic of Kosovo



Komuna e Rahovecit
Opština Oraovac / Municipality Oraovac

Drejtoria për Bujqësi, Pylltari dhe Zhvillim Rural



Raport i punës

TM1/2022



PËRMBAJTJA

DREJTORIA PËR BUJQËSI, PYLLTARI DHE ZHVILLIM RURAL	3
Aktivitetet në periudhën: janar, shkurt, mars	3
Aktivitetet tjera.....	4
Projektet e investimeve kapitale	4
PËRFUNDIM	5

DREJTORIA PËR BUJQËSI, PYLLTARI DHE ZHVILLIM RURAL

Bujqësia, Pylltaria dhe Zhvillimi Rural janë sektorët kryesor të cilët mund të kontribuojnë dukshëm në zhvillimin e përgjithshëm ekonomik të vendit.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Fillimi i vitit është karakterizuar me përpilimin e planit të punës për vitin 2022, plani i hartuar është mjaft ambicioz i cili ka ngërthyer në vete aktivitete të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve, i ndarë në periudha tremujore.

Aktivitetet në periudhën: janar, shkurt, mars

Në kuadër të drejtorisë së BPZHR-së, nga janari janë realizuar një mori aktivitete. Ndër më kryesoret do të paraqiten të specifikuar sipas kohës në të cilën kanë ndodhur.

- Ashtu siç e kemi paraparë me planin vjetor të punës, pranimi i aplikacioneve për subvencionim të qumështit për gjashtëmujorin e dytë të vitit 2021 për fermerët blegtor (MBPZHR), hap thirrjen për aplikim, Drejtoria e BPZHR-së pranon aplikacionet dhe të njëjtat i dorëzon në Ministri për pagesë. Kjo thirrje ka qenë e hapur nga: 21 janar deri më 11 shkurt 2022. Në këtë periudhë gjithsej kanë aplikuar 81 fermer me sasi totale të qumështit të dorëzuar 1,9 milion litra.
- Kemi mbajtur kontakte të vazhdueshme me zyrtarët e AZHB-së lidhur me aplikacionet dhe plotësimin e tyre për aplikimet e vitit 2021. Shumë fermer kanë pasur probleme me llogari bankare ku është kërkuar nga ne që të i ndryshojmë në menyre që të realizojnë pagesat e tyre.
- Sikurse vitin e kaluar, kemi kryer të gjitha përgatitjet rreth funksionalizimit të zyrave në dy qendrat më të mëdha të komunës sonë për aplikim të fermerëve, atë në Ratkoc dhe Krushë e Madhe. Me kohë jemi pajisur me qasjet e nevojshme në të gjithë softverët që janë të lidhur me plotësim të dokumenteve që kërkohen nga MBPZHR. Poashtu leje e veçantë nga Agjencioni Kadastral i Kosovës për mundësinë e nxerrjes së dokumenteve të pronësisë edhe në këto dy qendra. E gjithë kjo me të vetmin qëllim për të ju lehtësuar fermerëve të komunës sonë këtë proces.
- Duke u bazuar në kërkesat e fermerëve për marrje të tokave bujqësore me qera për qëllime bujqësore, kërkesat e fermerëve janë proceduar në Kuvend të Komunës për të marrë aprovim që këto parcela të jepen në shfrytëzim e që më pastaj të shpallim Ankandë Publik duke respektuar të gjitha procedurat sipas ligjit për dhënie të tokave bujqësore komunale me qera.
- Pranimi dhe përgjigje ndaj kërkesave të ndryshme nga qytetarët, si dhe
- Shërbime të tjera në kuadër të drejtorisë si: Vërtetim për fermer, NIF, ndërrim i destinimit të tokës bujqësore, vlerësim të dëmeve të shkaktuara në sektorin e bujqësisë, si dhe barazimi mujor i të hyrave me Drejtorinë e Financave për muajt Janar, Shkurt dhe Mars etj.

Aktivitetet tjera

Gjatë muajit Shkurt kemi shqyrtuar Planin Zhvillimor Komunal 2022 - 2029, ku në kuadër të drejtorisë së Bujqësisë, Pylltarisë dhe Zhvillimit Rural kemi plotësuar komentet shtesë të cilat kanë qenë të nevojshme nga ana statistikore në të gjithë sektorët.

Gjithashtu së bashku me zyrtarët e DBPZHR kemi shqyrtuar Planin e Vlerësimit të Rrezikut për komunën e Rahovecit ku kemi plotësuar parametrat e caktuara në kuadër të drejtorisë për Bujqësi, Pylltari dhe Zhvillim Rural, si dhe përgatitjen e skenarëve të mundshëm si fatkeqësitë nga zjarri dhe fatkeqësitë natyrore nga breshëri, vërshimet e faktor të tjerë.

Gjatë muajit Shkurt kemi zhvilluar takime të ndryshme të organizuar nga MBPZHR –së në lidhje me Pagesat Direkte – Subvencionet, takime për skemën e granteve, takime me Entin e Vreshtarise.

Gjatë muajit Mars kemi zhvilluar takim me përfaqësuesit e IFC –së anëtare e grupit të Bankës Botërore, ku pjesë e këtij takimi ishte diskutimi dhe informimi për sigurimet bujqësore për produktet e perimekulturës, vreshtarisë, pemëtarisë.

Në këtë takim komuna e Rahovecit, mori përsipër të mbulojë 15% të primit të sigurimit të produkteve bujqësore.



Projektet e investimeve kapitale


Komuna e Rahovecit si Autoritet Kontraktues me datë: 22.03.2022 ka nënshkruar kontratat me OE të ndarë në LOT-e, në Tenderët për furnizim me Mekanizëm Bujqësor në Komunën e Rahovecit.

Nga data 30.03.2022 kemi filluar të nënshkruajmë kontratat me secilin fermer përfitues, pasi që ai paraprakisht e ka kryer edhe pjesën e pagesës prej 20% të vlerës së pajisjes. Fillimisht janë kryer participimet e fermerëve përfitues nga viti 2020.

Pasi të përfundojnë participimet e pagesave nga fermerë përfitues të mekanizmave, në koordinim të plotë me OE që kanë fituar kontratat, gjatë muajit prill do të bëhet shpërndarja e pajisjeve bujqësore në mënyrë të organizuar për të gjithë fermerët.

Pastaj do të vazhdohet me “Thirrjen për Aplikim” për Mekanizëm Bujqësor të vitit 2021, ku pas caktimit të komisionit për verifikim të të gjitha aplikacioneve do të publikohet lista me fermerët përfitues, dhe do të procedohet njëjtë me participimet prej 20% të vlerës së pajisjes fillimisht e pastaj edhe me shpërndarjen e tyre gjatë muajit prill dhe maj.

Në projektin për rregullimin dhe mirëmbajtjen e rrugëve fushore, kanë rifilluar punimet në LOT 2 në vendbanimet Kramovik, Dobidol dhe Çifllak.



Në Lot 4 kemi intervenuar në disa pozicione nëpër vendbanime të komunës sonë, ndërsa Lot 1 dhe Lot 3 nuk janë zhvilluar punime.

Me përmirësimin e motit diku pas gjysmës së muajit prill do të fillojnë operimin edhe operatorët tjerë me të cilët kemi kontratat e lidhura.

Projekti i “ Kanalet e Kullimit të Tokave Bujqësore” poashtu përshkak të kushteve klimatike jo të përshtatëshme nuk është punuar, pasi që në këtë periudhë të vitit prurjet e ujit janë shumë të mëdha dhe implementimi i këtyre projekteve është i vështir. Pritet që me përmirësimin e motit operatorët të kthehen në punishte dhe të rifillojnë punimet.

PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Duke u bazuar në planin e punës kemi devijim nga ajo çka ne kemi planifikuar pasi që periudha e parë që përfshinë muajt janar, shkurt dhe mars kemi paraparë që të zhvillohet procesi i aplikimit për pagesa direkte-subvencione në kuadër të MBPZHR-se, dihet që akoma nuk është hapur thirrja dhe për këtë arsye kemi mospërmblidhje të planit të punës me raportin për këtë periudhë.

Kontakti me qytetarët dhe me grupet e interesit për të trajtuar dhe zgjidhur së bashku kërkesa, nevoja dhe interesa të tyre, është i vazhdueshëm. Zyrtarët e DBPZHR-së vazhdimisht janë në terren duke takuar fermer

në sektor të ndryshëm dhe duke iu ofruar këshilla të nevojshme rreth aktiviteteve agroteknike nëpër fermat e tyre. Poashtu nga fermerët kemi marr informata për pajisjet që iu nevoiten atyre, ku ne do të i përfshijmë në thirrjet për aplikim që do të hapen tremujorin e dytë.

Kemi krijuar raporte të mira me OJQ-të, me grupe të ndryshme, profesionist të fushave, me theks të veçant inxhiner të bujqësisë ku kemi pranuar këshilla, vërejtje dhe ide në mënyrë që të përmirësohemi dhe të zhvillojmë bujqësinë përditë e më mirë.

10.04.2022

Rahovec

DREJTORI I DBPZHR-së

Berat Duraku

